

## Edam en Ib Plei

### Stori men:

Wal longtaim wen YAWEI, det trubala God bin meigim ebrijing, dijan wel bin jidan nomo garram **enijing**. Dijan stori dalim wi hau God bin meigim pipul en wanim bin hepin langa det dubala pipul.

Imbin gajim das, en imbin meigim det men garram det das, en God bin blowim win langa det men nos, en imbin weikimap im na. <sup>15</sup>Wal YAWEI bin pudum det men deya langa det gadin blanga wekim det graun en blanga lukaftumbat det gadin, en God bin gulum det men Edam.

**YAHWEI:** “Im nogud lagijat blanga dijan men blanga jidan miselp. Ai garra meigim meit blanga im blanga albumbat im.”...

**Stori men:** <sup>21</sup>Brom deya YAWEI bin meigim det men silip, God bin deigmat wanbala rib boun brom im. En God bin meigim wuman brom det rib boun. En imbin gibit im det neim Ib.

<sup>8</sup>Brom deya YAWEI bin growimap gadin sanraiswei langa det gadin gulum Idin, en deya langa det gadin na imbin pudum det men weya imbin meigim. <sup>9</sup>En God bin pudum olkain purdiwan tri garram loda daga deya du, en rait langa midul langa det gadin imbin pudum dubala tri gulum Tri Blanga Laif en Klebabala Tri . Wen enibodi **idim** det daga brom det wanbala tri, im meigim olabat jidan laibala olagijawan. En det daga brom det najawan tri meigim olabat sabi ola gudwan ting en ola nogudwan ting du.<sup>d</sup>

<sup>15</sup>Wal YAWEI bin pudum det men deya langa det gadin blanga wekim det graun en blanga lukaftumbat det gadin, <sup>16</sup>en God bin dalim det men,

**YAHWEI:** “Wal yu gin idim daga brom najalot tri langa dijan gadin, <sup>17</sup>bat oni wanbala tri deya yu nomo lau blanga idim det daga, tharran na det Klebabala Tri. En if yu idim det daga, wal seim dei yu garra dai.”

**Stori men:** Wal wen YAWEI det trubala God bin meigim ola enimul, wanbala deya bin brabli trikiwan. Imbin brabli klebawan langa ola najalot enimul. Tharran na im det sneik.

Wal bambai na det sneik bin go langa det wuman, en imbin tok,

**Sneik:** “Yu reken God bin dalim yunbala nomo blanga **idim eni** daga brom eni tri langa dijan gadin?”\*

**Ib:** “Minbala kaan tatjim en idim det daga brom tharran tri weya jandap langa midul langa dijan gadin.

**Sneik:** “God im laiya. Im sabi wen yunbala idim det daga, yunbala garra meigim miselp jis laik God.”

**Stori men:** <sup>6</sup> Brom deya det wuman bin lukinat det tri na. Det daga bin luk brabli gudwan blanga idim. En det wuman bin jingabat blanga meigim miselp klebabala na.

Brom deya det wuman bin go en imbin gajim daga brom det tri, en imbin idim det daga, en afta imbin deigim det daga langa im hasbin, en imbin idim det daga du.

<sup>7</sup> Wal streidawei wen dubala bin binijap det daga, dubala bin sabi dubala bin dum nogudbala ting, en dubala bin luk miselp neigidbala, en dubala bin sheim miselp na en dubala bin kaburumap miselp garram figtri lif.

<sup>8</sup> Brom deya kultaim na wen det san bin godan, dubala bin lisin nois langa det gadin. YAWEI bin kaminap langa dubala, en dubala bin go en blandim miselp langa ola tri.

**YAWEI:** “Wujei yu?”

**Edam:** “Aibin lisin yu wokwok iya langa dijan gadin, en aibin bradin, en aibin blandim miselp, dumaji mi neigidwan.”

**YAHWEI:** “Hubin dalim yu, yu neigidwan? Maitbi yubin idim det daga weya aibin tok yu nomo lau dagat.”

**Stori men:** Wal det men bin pudum bleim langa det wuman.  
(Ekshan: Edam pointim binga la Eve).

**Edam:** “Det wuman weya yubin gibit langa mi, im na bin gibit mi det daga, en aibin idim.”

**Stori men:** Wal YAWEI bin askim det wuman na,  
(Ekshan: YAWEI luk la Eve)

**YAHWEI:** “Wotfo yubin dum lagijat?”

**Ib:** “Det sneik bin temtim mi blanga idim det daga.”

**Stroi men:**<sup>14</sup> Brom deya YAWEI bin tok langa det sneik,  
(Ekshan: Yaweh bin luk la sneik)

**YAHWEI:** “Ai garra panishim yu blanga det ting. Wal yu garra oldei wok garram yu binji langa graun, en yu garra dagadagat graun olawei raidap yu dai.<sup>15</sup> En ai garra meigim yunbala det wuman heidim gija. Det biginini blanga yunbala garra jidan enami gija. En det biginini blanga det wuman garra smeshimap yu hed, en yu garra baidim im fut.”\*

**Stori men:**<sup>16</sup> Brom deya YAWEI bin tok langa det wuman na, (Ekshon: Yaweh bin luk la Eve)

**YAHWEI:** “Strongbala pein garra kamat langa yu wen yu garra abum beibi. Bat yu garra stil wandim yu hasbin, en im garra jidan bos blanga yu.”

**Stori men:**<sup>17</sup> Brom deya YAWEI bin tok langa Edam, (Ekshon: YAWEH bin luk la Edam)

**YAHWEI:** “Yu nomo bin lisin langa mi basdam wen aibin dalim yu nomo blanga idim det daga brom det tri. Yubin lisin langa yu waif, en blanga tharran na ai garra meigim det graun adwan, en yu garra wek adbala na blanga growimap yu daga, olawei raidap yu dai.<sup>18</sup> Det graun garra growimap olkain rabishwan gras garram bindiyai.\*<sup>19</sup> En yu garra swet gidap blanga gajim daga blanga dagadagat olawei raidap yu dai en yu bodi gobek langa graun, dumaji yu garra gobek langa det seimwan graun weya aibin meigim yu basdam.”

**Stori men:** Lagijat na God bin tok.

<sup>20</sup> Brom deya Edam bin gibit im waif neim na. Imbin gulum im Ib, dumaji im na mami blanga ebribodi.

<sup>21</sup> Afta na YAWEI bin meigim klos blanga dubala garram enimul skin, en imbin meigim dubala werrimon detlot klos.

<sup>22</sup> Brom deya YAWEI bin tok langa im ronselp,

**YAHWEI:** “Det dubala seim jis laik wi. Dei sabi ebrijing weya im gudwan en ebrijing weya im nogudwan. Wal wi kaan larram dubala abum eni daga brom det najawan tri, dumaji if dubala dagat det daga brom det *Tri Blanga Laif*, wal dubala garra jidan laibala olagijawan.”\*

**Stori men:** Brom deya YAWEI bin andimwei det men en det wuman brom det gadin gulum Idin, en God bin meigim det men wekim det graun, dumaji imbin meigim det men garram graun.

<sup>24</sup> Afta na YAWEI bin pudum sambala einjul gulum tjerabim deya sanraisaid langa det gadin, en imbin meigim bigbala naif garram faiya jandap deya du, en det naif bin tenibat miselp ebriwei blanga stapam enibodi en nomo larram olabat kaman gulijap langa det *Tri Blanga Laif*.